

# Lögboðin sjúklingatrygging

## Vátryggingarskilmálar nr. AP32

### Um vátrygginguna gilda:

- Vátryggingarskírteinið ásamt áritunum og sérskilmálum.
- Skilmálar þessir nr. AP32.
- Sameiginlegir skilmálar félagsins nr. YY10.
- Lög um vátryggingarsamninga nr. 30/2004.

Ákvæði í vátryggingarskírteini eða endurnýjunarkvittun ganga framur ákvæðum í skilmálum. Ákvæði í vátryggingarskírteini, endurnýjunarkvittun og skilmálum ganga framur frávikjanlegum lagaákvæðum.

Vátrygging þessi er samkvæmt lögum um sjúklingatryggingu nr. 111/2000 og reglugerð um vátryggingu þeirra sem veita heilbrigðisþjónustu nr. 763/2000.

### Efnisyfirlit:

1. Vátryggður
2. Vátryggingin gildir
3. Ábyrgðartími
4. Bótasvið
5. Sérstakar takmarkanir á bótaskyldu
6. Greiðsla iðgjalds
7. Endurgreiðsla iðgjalds
8. Vátryggingarfjárhæð
9. Eigin áhætta
10. Vísitala
11. Endurkrafa
12. Staða tjónpola við tjón
13. Meðferð bótakrafna
14. Lok vátryggingar
15. Fyrning

### 1. Vátryggður

Vátryggður er sá sem tilgreindur er í vátryggingarskírteini eða endurnýjunarkvittun.

### 2. Vátryggingin gildir

Vátryggingin gildir á Íslandi.

### 3. Ábyrgðartími

- 3.1. Vátryggingin tekur til skaðabótakröfu á hendur vátryggðum er til stofnast á vátryggingartímabilinu án tillits til þess hvenær það atvik varð sem krafan reis af.
- 3.2. Skaðabótakrafa telst hafa stofnast við það tímamark að hið fyrra af eftirfarandi tilvikum hefur borið að höndum:

3.2.1 Tjónþoli gerir skriflega skaðabótakröfu á hendur vátryggðum eða félaginu.

3.2.2 Vátryggðum verður fyrst kunnugt um að sjúklingur hans eða þriðji maður hefur orðið fyrir tjóni sem gæti fallið undir vátryggingu þessa og kunnir að verða rakið til vátryggðs, eða að bein hættu sé á að slíkt tjón verði.

3.3 Skaðabótakröfu samkvæmt gr. 3.2 sem rakin er til tjóns er verður hvort heldur skyndilega eða smám saman bætur félagið ekki hafi tjón komið í ljós að einhverju eða öllu leyti áður en vátryggingartímabilið hófst.

### 4. Bótasvið

Vátryggingin bætir:

4.1 Líkamlegt eða geðrænt tjón sjúklings vátryggðs sem hann ber bótaábyrgð á samkvæmt lögum um sjúklingatryggingu nr. 111/2000. Látist sjúklingur tekur vátryggingin til bótaábyrgðar vátryggðs samkvæmt sömu lögum vegna missis framfæranda.

Vátryggingin bætir ekki:

4.2 Tjón sem vátryggður tekur á sig ef ábyrgðin er viðtækari en almenn bótaábyrgð hans samkvæmt lögum um sjúklingatryggingu nr. 111/2000.

4.3 Sektir og önnur viðurlög sem falla á vátryggðan.

4.4 Líkamstjón eða geðrænt tjón á öðrum en sjúklingi sjálfum.

### 5. Sérstakar takmarkanir á bótaskyldu

Vátryggingin bætir ekki tjón eða aukningu á tjóni sem beint eða óbeint hlýst af eða er af völdum:

5.1 Jarðskjálfta, eldgoss, skriðufalls, snjóflóðs eða annarra náttúruhamfara.

5.2 Styrjalda, innrásar, hernaðaraðgerða, borgarrósta, uppreisnar, uppþots, verkfalls eða svipaðra aðgerða.

5.3 Kjarnabreytingar, jónandi geislunar, mengunar af geislavirkum efnum, kjarnaeldsneytis eða kjarnaúrgangsefnis.

### 6. Greiðsla iðgjalds

- 6.1 Iðgjald fyrir vátrygginguna fellur í gjalddaga þegar greiðsla þess er krafist.
- 6.2 Vanskil á greiðslu iðgjalds geta valdið réttindamissi og niðurfellingu vátryggingarsamnings, sbr. 33. gr. laga um vátryggingarsamninga nr. 30/2004.

## 7. Endurgreiðsla iðgjalds

Falli vátryggingarsamningur úr gildi áður en vátryggingartímabili lýkur endurgreiðir félagið iðgjald í hlutfalli við þann tíma sem vátryggður hefur greitt fyrir og vátryggingin er ekki í gildi. Þetta gildir þó ekki ef vátryggingarsamningur hefur fallið úr gildi vegna þess að félagið hefur fullnægt skyldum sínum með því að greiða umsamda vátryggingarfjárhæð.

## 8. Vátryggingarfjárhæð

- 8.1. Ábyrgð félagsins vegna hvers einstaks vátryggingar-atburðar takmarkast við vátryggingarfjárhæð sem tilgreind er í vátryggingarskírteini eða endurnýjunar-kvittun. Heildargreiðsla félagsins vegna allra vátryggingaratburða innan sama vátryggingartímabils getur aldrei orðið hærri en fram kemur á vátryggingarskírteini eða endurnýjunarkvittun.
- 8.2. Félagið greiðir kostnað sem eðlilegt er að vátryggingartaki stofni til vegna ákvörðunar um skaðabótaskyldu eða bótafjárhæð enda þótt greiðsla félagsins fari af þeim sökum fram úr vátryggingarfjárhæðinni. Sama gildir um vexti sem vátryggðum ber að greiða af skaðabótakröfu sem vátryggingin tekur til.
- 8.3. Sé vátryggingarfjárhæðin lægri en skaðabætur er félaginu þó aðeins skylt að greiða þann hluta vaxta og kostnaðar er svarar til bótafjárhæðar þeirrar sem því ber að greiða.

## 9. Eigin áhætta

- 9.1 Af hverju tjóni ber vátryggður eigin áhættu eins og tiltekið er í vátryggingarskírteini eða endurnýjunar-kvittun.
- 9.2 Eigin áhætta vátryggðs hefur ekki áhrif á réttarstöðu sjúklings.

## 10. Vísitala

Vátryggingarfjárhæðir breytast 1. janúar ár hvert miðað við breytingu á vísitölu neysluverðs. Iðgjald og eigin áhætta breytast á sama hátt.

## 11. Endurkrafa

- 11.1 Félaginu er heimilt að endurkrefja vátryggðan hafi tjón orðið vegna ásetnings hans.
- 11.2 Félagið á endurkröfurétt á hendur vátryggðum hafi það greitt bætur samkvæmt gr. 14.2 eftir að vátrygging hefur fallið niður.

## 12. Staða tjónþola við tjón

- 12.1 Ef vátrygging tekur til tjóns vátryggðs vegna skaðabótaábyrgðar sem hann ber skal tjónþoli krefjast bóta beint frá félaginu. Félaginu og vátryggðum er skylt að upplýsa tjónþola um lögboðna sjúklinga-tryggingu sé hún fyrir hendi.
- 12.2 Ef fram kemur krafa um bætur á hendur félaginu skal tilkynna það vátryggðum án ástæðulauss dráttar og veita honum upplýsingar um meðferð kröfunnar. Viðurkenning félagsins á atriðum sem lúta að ábyrgð er ekki bindandi fyrir vátryggðan.
- 12.3 Nú tilkynnir tjónþoli félaginu að hann hyggist höfða mál á hendur því og getur það þá krafist þess að hann beini málshöfðuninni einnig gegn vátryggðum. Skal félagið tilkynna tjónþola um þá kröfu sína án ástæðulausrar tafar og á sannanlegan hátt.
- 12.4 Um stöðu tjónþola að öðru leyti vísast til 44. gr. laga um vátryggingarsamninga nr. 30/2004.

## 13. Meðferð bótakrafna

- 13.1 Vátryggður má ekki viðurkenna bótaskyldu sína eða gera samninga um bætur án samþykkis félagsins.
- 13.2 Félagið kemur fram fyrir hönd hinna vátryggðu og ræður málsmeðferð allri og annast málsmeðferð fyrir dómstólum ef á reynir.

## 14. Lok vátryggingar

- 14.1 Vátryggingin fellur sjálfkrafa niður falli starfsheimild eða starfsleyfi vátryggðs niður.
- 14.2 Enda þótt vátryggingin sé fallin úr gildi ber félagið ábyrgð gagnvart tjónþola á hverju tjóni sem rekja má til tjónsatvika sem verða þar til átta vikur eru liðnar frá því að félagið tilkynnti vátryggðum og heilbrigðis- og tryggingamálaráðuneytinu að vátryggingin væri fallin úr gildi, nema önnur fullnægjandi trygging hafi verið sett fyrir þennan frest.

## 15. Fyrning

Kröfur um bætur fyrnast þegar fjögur ár eru liðin frá því að tjónþoli fékk eða mátti fá vitneskju um tjón sitt. Krafan fyrnist þó eigi síðar en þegar tíu ár eru liðin frá atvikinu sem hafði tjón í för með sér, sbr. 19. gr. laga um sjúklinga-tryggingu nr. 111/2000.

Vátryggingarskilmálar þessir gilda frá 1. janúar 2006.